

---

Ўзбекистон Қаҳрамони Лола Муротова 64 ёшида вафот этди

Ўзбекистон Қаҳрамони, Олтиариқ туманидаги “Нурли обод” фермер хўжалиги раҳбари Лола Муротова вафот этди.

Муротова Лола Неъматовна 1958 йил Олтиариқ туманида туғилган.

Қишлоқ хўжалиги соҳасида 40 йилдан ортиқ меҳнат қилган Лола Муротова республикамизда ушбу соҳадаги кенг кўламли ислоҳотларни амалга ошириш, фермерлик ҳаракатини ривожлантиришга ўзининг ҳалол меҳнати, амалий ташаббуслари билан муносиб ҳисса қўшди.

Лола Муротованинг давлатимиз ва халқимиз олдидаги улкан хизматлари юксак даражада эътироф этилиб, ўтган йиллар давомида “Ўзбекистонда хизмат кўрсатган қишлоқ хўжалиги ходими” фахрий унвони, “Эл юрт ҳурмати” ва “Фидокорона хизматлари учун” орденлари билан, 2019 йилда эса “Ўзбекистон Қаҳрамони” олий унвони билан тақдирланган эди.

Ўзбекистон тумани ҳокимлиги марҳуманинг оила аъзолари ва яқинларига чуқур таъзия изҳор қилади.

\*\*\*\*\*

2022-05-30 10:39:43